



USPJEŠAN RAD Najboljima uručena priznanja

SIPA u BiH kao FBI u Americi

Ministar sigurnosti BiH Fahrudin Radončić jučer je odao veliko priznanje radu SIPA-e i njezinom direktoru Goranu Zupcu. Borba protiv kriminala se nastavlja

U Agenciji za istrage i zaštitu BiH (SIPA) jučer je održana ceremonija dodjele priznanja Ministarstva sigurnosti BiH i SIPA-e službenicima ove policijske agencije koji su nagrađeni

za izuzetne rezultate rada u ovoj godini. Priznanja Ministarstva, Policijsku medalju za hrabrost, Zlatnu policijsku značku i Srebrnu policijsku značku nagrađenim

službenicima uručili su resorni ministar Fahrudin Radončić, dok je priznanja SIPA-e, Reljefni amblem, uručio direktor ove agencije Goran Zubac.

Ministar sigurnosti BiH uručio je direktoru SIPA-e priznanje za izuzetan i požrtvovan doprinos u radu agencije, nakon čega je Zubac uručio Radončiću Reljefni amblem za doprinos u jačanju kapaciteta SIPA-e. Policijska medalja za hrabrost uručena je višem inspektoru u Kriminalističko-istražnom odjelu Vahidinu Šahinpašiću, zlatna policijska značka uručena

je šestorici inspektora ove agencije, a srebrna za 14 službenika SIPA-e. Najviše priznanje SIPA-e, Reljefni amblem agencije, uručen je Radončiću, zamjeniku direktora Agencije za školovanje i stručno usavršavanje Borisu Ivanoviću, te još petorici inspektora i službenika SIPA-e. Radončić je istaknuo da je SIPA postala veliki brend, velika agencija koja pokazuje briljantne rezultate.

On je usporedio SIPA-u s američkim FBI-jem, navodeći da su rezultati pokazali s koliko se profesionalizma radi ovaj posao.

